

# Kangiqlihidjutikhat

## Timimi Kumait

### Hunat timimi kumait?

Timimi kumait aannuraanittpaktut iglikmilu qipingni aalligakhanilu atuqtauyunit kumaqaqtumit inungnit. Timimi kumait auktuqpektut uvinirmiitpakhutik aukturiamingni. Timimi kumait kuplirukhanikpaktut aannuraat kiluinni.

### Qanuqtut timimi kumait hiamitpakpat?

Timimi kumait hiamitpakpat kahakkumik inungmik timimi kumaqaqtumik, kahakkumikluunniit aannuraanik. iglit, qipit aalligakhallu, aallarutiniklu atuqtauhimayunit kumaqaqtumit inungmit.

### Humiitpata timimi kumait?

Timimi kumait aannuraanittpaktut kiluinni iglikmilu qipingni aalligakhanilu atuqtauyunit kumaqaqtumit inungnit. Ilaani timimi kumait takunnaqhivaktut timimi auktuliraangata. Ilaani kuplirukhat timimi mitquaniitpaktut. Itqit niaqurmi uvinianilu, timimi kumaungittut; naiqurmi kumauyut.

### Hunat aanniarutait timimi kumait?

Kukulaqikpiakpaktut uvinirlukhutik timimut nakuunngirutaugaangamik kumakmit kukukhiraangamik taimainnaqtut. Timimi kumaqaqhimainnaraangata, kukukhirviinni uvinirmi mamiffaaraangamik ivyuktitpaktut ivitaa aallannguqhuni, tahamanilluaq qitiqmi, akunnaangni, quqtuqqanilu.

Aallatut kumanikpaktunut, kukukniit kukukviinni kilaangnaqtuq timimi, kilaangniit nakuungikpaktut.

### Qanuq ilihimaniaqqit timimi kumaniguvit?

Timimi kumanikpata naunaikpaktuq paqittigumik kuplirukhanik kumakniklu kiluinni aannuraani. Ilaani kumait takunnaqtut uvinirmi ingutaaqtut auktuqtulluunniit. Ilaani kumait itkiillu angigumik takuyaami, kihimi mikiyunut qinngutitut ittunik angiklidjut aturunik takuniaqtait. Naunaikhiyukhat munaqhinit ilihimangitkuvit.

### Huna munaridjutikhait timimut kumaqaqtunut?

Timimi kumanigumik uakattaktukhaq kumanikhimayuuq, halumayuniklu aannuraakpakluni (atauhiqmi havainiqmi pinahugillutik). Aannuraat, qipiit aalligakhat, allarutit atuqtait kumaqaqtup uaktakhat uunaqpiaktumik imakmi aannuraanut panirhiivikmik atuqlutik uunaqtu atuqlugu.

Ilaani kumanikhimayuuq havautitukpaktuq kumaiyautikhanik; kihimi, taimailuqnaittuq inuk hulumainnaqhuni pivakpat atuqpagaillu uaqattapakumigitatauhiqmik havainiqmi. kumaiyautikhat atuqtakhait pitquyauhimakpat munaqhimit.

### Qanuqtut hiamittailitkhaqaqqata?

Timimi kumait hiamitpakpat kahakkaigumik kumaqaqtup aannuraanginnik qipiinit aallirakhainikluunniit. Ukuat piyakhat piinnarialgit kumaniknaittumut himainnaittumullu timimi kumainik:

- Uakvik immiklugu uaqattaqpaklutik halumayuniklu aannuraakpaktukhat atauhiqmi havainikmi.
- Aannuraanut uarhivikmi panikhivikmilu uakpaklugit panirhiklugillu aannuraat qipiit aallirgakhallu atuqlugu uunaqpiaktuq imak uunaqpiaktuqlu panikhiidjutikhaq. Aannuraat ualimaittut panikhimayumik halummaktiinnarialgit IMAALUUNNIIT puuklugit angmaumahimaittumik palaastik puumi tutquqlugit malrukni havainiqni.
- Aturuiqlugit aallat aannuraangit, qipiit aallirakhat, allarutit kumaqaqtumit inungmit.